

鶴慶縣志

卷十之
下

鶴慶縣志

卷十之下

列女志 酉部

女之孝者 酉之二
女之貞者 酉之三
女之烈者 酉之四
女之德者 酉之五

女之才者 酉之六
女之貴者 酉之七
女之壽者 酉之八
女之殉難者 酉之九

鶴慶縣志卷十下

女之孝者

酉之二

元闕

明

韓氏女少失怙念鮮兄弟母無靠願依母膝下以終
有強欲娶禽者女誓死不從終亦不能奪也母死仍
即孑居紡績自給郡伯表其門曰孝烈

讓朝

史氏女父載直歲貢生女幼失明兄復以疾廢女因
為人賃畚得錢粟以為養父母歿營葬如禮兄死並
為之殯祖父母父母及兄三代墓碑均以傭力所積
資樹之年六十餘歲每言及其父母猶號泣若孺子
云

丁氏女父以燒灰為業女助之年十六父歿力作養

母以負重失足得駝疾不得已入城為人操女工度
日每食思母恒哽咽人憐之許以分餽輒先嘗以奉
母如不見憐必先支粟歸爨俟母食方入傭焉如是
者四十餘年母卒女亦死

王應妻楊氏年二十八夫卒翁姑俱篤老姑旋歿翁
有癱疾不能起氏竭力奉養便溺皆手自除滌十餘
年無倦容

唐某妻高氏年二十八夫卒家貧紡績養姑姑卒喪不能舉封柩將積傭資以葬一日鄰忽不戒於火氏哭卧棺下誓同燼人聞哭始知為某也妻者排門入牽之強使出不肯眾憐其孝為移棺氏乃出後鄰宅俱燼氏宅獨無恙人以為純孝所感

楊紹榮妻段氏性勤儉事翁克盡厥職姑病篤氏焚香虔祝剗左股肉和藥以進姑病旋愈氏秘其事亦

竟無一人知者後年八十將歿諸子環視見創痕猶
在問之始以告眾各歎異子茂東為學官弟子謝時
舉於鄉里人稱焉

彭瀛妻唐氏瀛邑諸生卒氏事姑孝姑患痢疾調治
未愈氏割臂以進病為瘳

施崇沛妻舒氏兩次割股救姑姑病愈後十稔乃卒
姑曰此十年壽婦所延也

李逢春妻朱氏大理人夫僑寓大理氏隨焉咸豐六
年大理淪陷狂暴肆行氏恐被污亟東走投洱海中
會有漁人掖出之不得死後聞姑病星夜馳歸割股
肉以奉卒起姑疾時稱其孝焉

段士禎妻李氏同治乙丑城陷賊執翁於圍將刃之
氏急以身翼蔽翁且跪請曰吾翁耄老乞釋之孕婦
願以身代如以一戕二命大人們不忍為願作婢媼

供指使勿悔賊憐而並捨之

楊永錫妻周氏乙丑城陷賊以利刃加翁頸氏捨死
解救以手牢握刃致傷其二指並盡出所藏予賊翁
因得脫孝行所感人競稱焉

周茂堂妻段氏性純孝事翁如父事姑如母姑病篤
嘗割股以救

劉起渭妻母氏起謂邑諸生氏年三十六起渭卒氏

矢志不二養翁教子翁疾篤氏割股救之尋愈撫子
大本成立以軍功歷保官至花翎都司銜氏年八十
七而卒

周應昌之女周然士年十八歲母久病不愈剖腹割
肝以救傷重殞命經署州牧陸詳請旌表到省督部
堂李於宣統元年與高映琪之妻楊氏同摺具奏得
旨旌表附祀節孝祠奏稱高楊氏堅貞自矢留蒼松

晚節之香周然士純孝性成切慈竹回春之願皓首
追盟於同穴殺身不異乎成人洵屬盛世先人宜荷
旌揚鉅典云云

右明一人讓朝十三人都十四人

女之貞者 酉之三

元明闕

讓朝

李氏女許字楊姓未于歸楊歿女守貞以終

潘溥女字周姓未嫁而夫亡女年十六誓不另字計
守貞三十六年

舒甲妹許字周姓未嫁周姓子故甲妹矢志守貞代
撫夫兄子及孫至成立舒氏德之

楊氏女阿繼初字喻恩未嫁而恩病故時女年十六
歲守貞不另字初依父母後父母相繼歿有兄亦

亡遂依族人以居鍼黹度日貞操始終如一

張氏女純玉幼字楊開泰為妻開泰客永昌死女矢志守父母欲奪其志女不可計守貞三十餘年

高氏女阿熊幼字陳治為妻未于歸而治死女得耗請於父母願往陳門奉姑父母憐之未之許擬另為擇壻女泣不食父母知其志不可奪遂改裝送之歸計守貞三十餘年而卒

楊玉與女幼字任姓未嫁而任氏子卒父母將更為
相攸女不可曰免命薄適人非所願今六禮未具已
如此命運可知能長依膝下以遂烏私於願足矣玉
興見其志之堅定遂亦聽之及父母卒女哀禮俱至
守貞到老人無間言

劉氏女麟鳳幼字婁姓甫納幣而夫歿會其父母亦
先後卒弟幼遂矢志撫弟成立不另字計守貞五十

年之久

李桐女玉蓮年十六歲甫許字而夫歿桐更為擇壻
女執不可願養親以終桐鑒其誠許之計守貞五十
年

陶湛女起英幼許字李年年貿易不昧女誓守貞借
十指度日年七十餘歲而卒

高氏女阿雄幼字 姓未歸而夫卒女自往夫家執

婦道事翁姑惟謹翁故助姑治喪葬均如禮後姑撫
族姪為子女泣曰兒嚮不死以翁姑也頃翁已送歸
山姑亦有子兒事畢兒願了矣遂自縊姑知亟救得
免女以姑不為夫立後而自另撫子已乃猶贅旒然
且恐姑與所撫子或更有他意也因請歸母家姑從
其請女即焚香立誓終身如素紡績自贍壽七十卒
子丙照女阿坤幼字劉姓劉避難遇賊傷斃女時年

十九父母將為另字女不可遂守節終身

高氏女父士桂邑舉人也女幼字名門及笄壻歿女不願再字甘守貞以老年七十三而卒

張氏女蓮章年十七父母俱歿弟因避難出亡不知所之女常服短衣裝束若男兒出征四處尋弟見者不知其為女也所親或勸之嫁女以弟存亡未卜張氏之鬼其饒為詞後卒尋弟歸培植成人而女已頽